

A 11-p immersornissaanut ilitsersuut

20XX-JMI ISERTITANUT PAASISSUTIISQAQ - A 11

Akileraaruserinermik ingerlatsineq pillugu Inatsisartut inatsisaanni nr. 11, 2. november 2006-imeersumi §§-ini 30, 31 aamma 32-mi aalajangersakkat

§ 30	<p>Akileraarutinik annertussusiliinermi akileraarutissanillu naatsorsuinermi atugassanik kikkulluunniit akileraarutit pillugit inatsimmi § 75, imm. 1-im i aamma 2-mi taaneqartunik suliffeqarfimmink ainingaasarsianik akiliisoq ukiut tamaasa qaammatip januarip naannginnerani ainingaasat taamaattut akilerneqartut tamarmiusut kiisalu akileraarutit A-t unerartitat annertussusaannik nalunaaruteqassapput. Aammattaaq paasissutissat uku tunniunneqassapput:</p> <ol style="list-style-type: none">1) tigusisut ataasiakkaat ainingaasarsiaat tamakkerlugit,2) ainingaasarsianit akileraarutit A-t unerartitat,3) sulisut ataasiakkaat soraarnerussutisanut imaluunniit inuunermut sillimmasiinerannut sulisitsut akiliutaat ainingaasarsianit akileraarutit pillugit inatsisartut inatsisaanni § 41, imm. 2-p ataani ilaasut ainingaasartaat tamarmiusut,4) ajunngitsorsiat tamarmiusut ilaannakortulluunniit soorlu nerisaqarneq ineqarnerlu, najugaqarneq, akunnitarfinniinneq, angalanerit, biilit telefonilu assigisaallu,5) tigusisup aqqa, inuttut normua, najuga aamma kommuuni akileraartarfia aamma6) paasissutaasinnaasut allat tigusisup kinaaneranik paasinninnissamut pisariaqartut, <p><i>Imm. 2. Suliffeqarfik atorunnaarpal ukiumi ainingaasarsiorfiusumi ingerlareersumi paasissutissat tunniunneqassapput kingusinnerpaamik ainingaasarsitsivimmiit kingullermiit ulla qulit qaangiuppata.</i></p> <p><i>Imm. 3. Kikkulluunniit atuakkiortunut, erinniortunut, eqqumiitsuliortunut, oqalugiartartunut assigisaannulluunniit ainingaasarsitsisut, suliffeqarfimmik atornermut attartornermulluunniit, kisremaassilluni atuisinnaanermut imaluunniit patentimik atuisinnaanermut akitsutinik, ilusilersukkanut, nioqquutissap ilisarnaataanut assigisaannulluunniit akiliisoq, akitsut ingerlaavartumik akilerneqartaraluarpal ataatsikkulluunniit akilerneqaraluarpal imm. 1-im i aalajangersagaq malillugu paasissutissanik tunniussisussaatitaapput.</i></p> <p><i>Imm. 4. Akunnermiliuttoq aqqutigalugu ainingaasarsianik akiliisoqarpat, taanna paasissutissisussaatitaavoq, sulisitsisoq paasissutissanik tunniussisinnanngippat. Sulisitsisoq, imaluunniit akunnermiliuttoq, ikiortissarsinermini taassuma aqyanik, najugaqarfianik eqqortumik kiisalu inuup normuanik pissarsissaaq.</i></p> <p><i>Imm. 5. Paasissutissat akileraaruseriffimmut tunniunneqassapput.</i></p>
§ 31	<p>Tigusisartoq § 30-mi taaneqartunik isertitaqartartoq Kalaallit Nunaanni akileraartussaatitaajunnaarpal, paasissutissisussaatitaasoq qinnuivigineqarnini malillugu paasissutissiisaaq § 30-mi taaneqartut ainingaasat annertussusaannik qaammatiutit malillugit ukiup aallartineraniit akileraartussaatitaanerup atorunnaernerata tungaanut pineqartup ainingaasarsiaanik kiisalu akileraarutit A-t unerartitat annertussusaannik.</p> <p><i>Imm. 2. Taamatuttaaq qinnuivigineqarneq malillugu pineqartoq taassumaluunniit sinniisua, imaluunniit toqu-sup qimataanik aqutsisuuusinnaasooq, paasissutissanik tunineqassaaq.</i></p>
§ 32	<p>§ 30 aamma § 31, imm. 1 malillugu ainingaasarsiaqartoq pillugu paasissutissat assilineranik ainingaasarsiaqartoq tunineqassaaq.</p>

**Aningaasarsianit akileraarutit pillugit paasissutissanik nalunaaruteqartarneq pillugu
Namminersorlutitk Oqarussat nalunaarutaannit nr. 8, 18. juni 2010-imeersumiit issuaanerit**

§ 2	<i>Ilinniagaqarnersiutit</i>
	<p>Namminersorlutik Oqartussat ukiut tamaasa ukiup siuliani ilinniagaqarnersiutit ani-ngaasangorlugit tunniunneqarsimasut pillugit paasissutissat akileraaruseriffimmut piumaffigineqaaqqaaratik nassiuuttassavaat, tassunga ilanngullugu ainingaasanik tigusisut kikkuunerinik, inuup normuanik ilalerlugit paasissutissisassapput.</p> <p><i>Imm. 2. Paasissutissanik nalunaaruteqarnermi ilaatinneqartussap nalunaaruteqartussaatitaasumut kinaassutsini pillugu ilisimatitsissaq, tassunga ilanngullugu inuttut normuni.</i></p> <p><i>Imm. 3. Paasissutissat nalunaarutigineqartut pillugit Namminersorlutik Oqartussat ilinniagaqarnersiutinik pisartagaqartut ilisimatittassavaat.</i></p> <p><i>Imm. 4. Nalunaaruteqarneq pillugu najoqquutassanik erseqqinnerusunik akileraaruseriffik aalajangersaasinnaa-</i></p>

	voq, tassunga ilanngullugu paasissutissiisussaatitaanermut piumasaqaatinik annikinnerulersitsisinnaanermut aamma ilinniagaqarnersiutinik pisartagaqartunut ilisimatitsisarneq pillugu.
§ 3	<i>Nalinik nalunaaruteqarneq</i> Tamakkiisumik ilaannakortumilluunniit ajunngitsorsiat soorlu akeqanngitsumik nerisaqarneq illusimanerlu, ini-gisaqarneq, najugaqarallarneq, angalanerit, biilit oqarasuaatillu il.il. pillugit nalunaaruteqarnermi, akileraaruse-rinermik ingerlatsineq pillugu Inatsisartut inatsisaanni § 30, imm. 1, nr. 4 naapertorlugu nalunaaruteqartussaa-titaasup ajunngitsorsiap nalinga pillugu nalunaaruteqassaaq. Ajunngitsorsianut tunngatillugu ukiumut aningaa-sarsiorfiusumut pineqartumut nalit inatsisitigut aalajangersakkat imaluunniit nalit Naalakkersuisunit aalajanger-sarneqarsimasut naapertorlugit naliliisoqassaaq.
§ 4	<i>Meeqjanut akilersuutit</i> Meeqjanut akilersuutit il.il. kiisalu meeravissiartaarnermi tapiissutit tunniunneqartarneri pillugit Inatsisartut peqqussutaat malillugu Namminersorlutik Oqartussat kommunillu meeqjanut akilersuutinik akileeqqusissut, ukiut tamaasa piumaffigineqaqqaarnatik makku pillugit paasissutissanik akileraaruseriffimmut tunniussisassap-put: 1) Akilersuisussaatitaasup inuttut normua najugaalu. 2) Akilersutinik pissassaqartup inuttut normua najugaalu. 3) Ukiup siuliani akilersuisussaatitaasumiit akiliutigineqartut annertussusaat. <i>Imm. 2. Paasissutissanik tunniussisussaatitaaneq pillugu najoqqtassanik erseqqinnerusunik akileraaruseriffik aalajangersaasinhaavoq, tassunga ilanngullugu paasissutissiisussaatitaanermut piumasaqaatinik annikinnerulersitsisinnaalluni.</i>
§ 5	<i>Pisortat tunitsivigineqartut attartortitsinerillu ilaannik isumaqatigiissuteqartut</i> Namminersorlutik Oqartussat, Naalakkersuisut allaffeqarfii, Inatsisartut allaffeqarfiat, Kalaallit Nunaata Radioa, suliffeqarfiiit namminersortitat il.il. aamma Kalaallit Nunaanni kommunit, aalisarnermiit, piniarnermiit, aallaani-arnermiit, savaateqarnermiit tuttuuteqarnermiillu, eqqumiitsuliornermiit sanalunnermiillu tunissianik tunitsi-vigineqarnermut atatillugu aningaasariat B-nik akiliuteqartartut ukiut tamaasa piumaffigineqaqqaaratik makku pillugit paasissutissanik akileraaruseriffimmut tunniussisassapput: 1) Aningaasariat B-nik tigusisup inuttut normua imaluunniit GER-normua. 2) Ukiup siuliani tunisinermut atatillugu aningaasariat B-t tigusisumut tunniunneqartut annertussusaat. <i>Imm. 2. Namminersorlutik Oqartussat kommunillu, inunnit angallammik, qimussimik allatigullu inunnut ass-tuummik attartortut ukiut tamaasa piumaffigineqaqqaaratik makku pillugit paasissutissanik akileraaruseriffim-mut tunniussisassapput:</i> 1) Attartortitsisup inuttut normua imaluunniit IIN-normua. 2) Ukiup siuliani attartortitsisumut akissarsiatut tunniunneqartut annertussusaat. <i>Imm. 3. Imm. 1 aamma 2-mi paasissutissanik taaneqartunik tunniussisussaatitaaneq pillugu najoqqtassanik er-seqqinnerusunik akileraaruseriffik aalajangersaasinhaavoq, tassunga ilanngullugu paasissutissiisussaatitaanermut piumasaqaatinik annikinneruler-sitsisinnaalluni.</i>
§ 6	<i>Nutserisut akissarsiaat</i> Translatørinut, oqalutsinut, nutserisunut assigisaannullu akissarsiat akileraarutit A-nut unerartitsinertaqanngits-unik akiliisoq ukiut tamaasa piumaffigineqaqqaarnani makku pillugit paasissutissanik akileraaruseriffimmut tunniussisassaaq: 1) Tigusisup inuttut normua imaluunniit IIN-normua. 2) Ukiup siuliani tigusisumut akissarsiat tunniunneqartut annertussusaat. <i>Imm. 2. Paasissutissanik tunniussisussaatitaaneq pillugu najoqqtassanik erseqqinnerusunik akileraaruseriffik aalajangersaasinhaavoq, tassunga ilanngullugu paasissutissiisussaatitaanermut piumasaqaatinik annikinneruler-sitsisinnaalluni.</i>
§ 7	<i>Ilaasortaanermut akiliutit</i> Suliatigut peqatigiiffit soorlu akileraaruserinermik ingerlatsineq pillugu Inatsisartut inatsisaanni § 33 c, imm. 1-im i taaneqartutut ukiup siuliani ilaasortiaati akiliutit tiguneqartut pillugit ukiut tamaasa piumaffigineqaqqaar-natik paasissutissanik akileraaruseriffimmut tunniussisassapput, tassunga ilanngullugu ilaasortap akiliutaanut attuumassuteqartumut kinaassutsimut inuup normuanik ilalerlugit paasissutissat. Akiliutit nalunaarutigineqar-tut annertussusaat pillugit paasissutissiisussaq ilaasortanut nalunaaruteqassaaq. <i>Imm. 2. Paasissutissanik nalunaaruteqarnermi ilaatinneqartussap nalunaaruteqartussaatitaasumut kinaassutsini</i>

	<p>pillugu ilisimatitsissaq, tassunga ilanngullugu inuttut normuni.</p> <p><i>Imm. 3. Nalunaaruteqarnissaq pillugu najoqqutassanik erseqqinnerusunik akileraaruseriffik aalajangersaasin-naavoq, tassunga ilanngullugu paasissutissiussaatitaanermut piumasaqaatinik annikinnerulersitsisinnalluni.</i></p>
§ 8	<p style="text-align: center;"><i>Akiliunneqarluni angalanerit</i></p> <p>Inuit imaluunniit inatsisitigut inuttut pisinnaatitaasut, tassunga ilanngullugit sulinngiffeqarnermi aningaasaate-qarfiiit, atorfinititsinermut pissutsit avataasigut inunnut imaluunniit pisortani atorfeqartunut akiliussillutik angalanernut tapiissuteqartut, ukiut tamaasa piumaffigineqaqqaarnatik akileraaruseriffimmut makku pillugit paasissutissanik tunniussissapput:</p> <ol style="list-style-type: none"> 1) Tapiissutisisinnaatitaasut allallu tapiissutisisut inuttut normui. 2) Ukiup siuliani tapiissutisisinnaatitaasup angalaneri tamakkiisut amerlassusaat. 3) Ukiup siuliani tapiissutisisinnaatitaasumut tapiissutigineqartut annertussusaat.
§ 9	<p style="text-align: center;"><i>Piffissaq</i></p> <p>§§-it 2-miit 8-mut paasissutissat taaneqartut ukiumi paasissutissanut attuumassuteqartut ukiup tulliani kingu-sinnerpaamik 31. januarimi akileraaruseriffimmut nalunaarutigineqassapput.</p>

Isertitanut paasissutissiissutip - A11 - nassiuarnera

Isertitanik pissarsisoq aamma sulisitsisoq pillugit paasissutissat:

Inuup-normua	Sulisorisap inuttut-normua allanneqassaaq – taanna skattekortimi allaqqavoq.
Atorfik, ateq najugarlu	Sulisorisap atorfia, aqqa najugaalu allanneqassapput – aqqa najugaalu skattekortimi allaqqapput.
Sulisitsup IIN-normua, aqqa najugaalu	Sulisitsup IIN-normua, aqqa najugaalu allanneqassapput.
Kommune akile-raarfik	Sulisorisap kommune akileraarfia allanneqassaaq – taanna skattekortimi allaqqavoq.

Piffissaq/-t atorfeqarfik/-it:

Immikkoortoq 100	Sulisorisaq ukioq tamaat sulisorineqarsimappat immikkoortoq 100 krydsiler-neqassaaq.
Immikkoortoq 101	Sulisorisaq ukiup ingerlanerani piffissami atasuinnarmi sulisorineqarsimappat immikkoortoq 101 immersorneqassaaq.
Immikkoortoq 102	Kisitsisit atorlugit nalunaarsuusiornissamut atugassatut immikkoortumi 102-mi nalunaarutigineqaqquneqarportaaq sulisorisaq ullormi 28/11-mi sulisorineqarsimanersoq.

Aningaasarsiat A-t:	
Immikkoortoq 110 Aningaasarsiat A-t	Aningaasarsiat A-t nalinginnaasut akileraarutit ilanngaatigitinnagit annertus-susaat nalunaarutigineqassapput. Feeriaqarnersiutit ilanngunneqarnissaat eqqaamaneqassaaq .
Immikkoortoq 110a	Nunani allani soraarnerussutisiassatigut aaqqissuussinermut akiliutit tamak-kiisut akileraaruserneqartussat annertussusaat nalunaarutigineqassapput, takuuk Aningaasarsianit akileraarutit pillugit Inatsisartut inatsisaata allan-ngortinneqarneranik Inatsisartut inatsisaat nr. 7, 6. juni 2016-imeersoq.
Immikkoortoq 110b	Nunani allani soraarnerussutisiassatigut aaqqissuussinermut akiliutinut tapiissutit akileraaruserneqartussat nalunaarutigineqassapput, takuuk Aningaasarsianit akileraarutit pillugit Inatsisartut inatsisaata allanngortinneqarneranik Inatsisartut inatsisaat nr. 7, 6. Juni 2016-imeersumik §2.
Immikkoortoq 110c	Pensioninik aningaasarsitsitsineq. Sulisoq soraarninngortoq sulisitsisorlu pensioninik aningaasarsitsisoq.
Immikkoortoq 111 Utoqqalinermi pensionit	Utoqqalinermi pensionit (tunngaviusumik aningaasartat) nalunaarutigineqassapput.
Immikkoortoq 112 Siusinaartumik pensionit	Siusinaartumik pensionit (tunngaviusumik aningaasartat) nalunaarutigineqassapput.
Immikkoortoq 113 Suliffeqanngikkallarnermi ikorsiissutit	Suliffeqanngikkallarnermi ikorsiissutit nalunaarutigineqassapput.
Immikkoortoq 114 Pisortanit ikorsiissutit	Pilersuinermut akiligassanullu aalajangersimasunut pisortanit ikorsiissutit nalunaarutigineqassapput.
Immikkoortoq 115 DIS/GIS-imit isertitat	DIS/GIS-imit isertitat nalunaarutigineqassapput.
Immikkoortoq 116 Tunisanit isertitat	Aalisarnermit, piniarnermit aallaaniarnermit savaateqarnermillu tunisassianik Kalaallit Nunaanni tunisassiorfinnut tunisinermi isertitat tamarmiusut nalunaarutigineqassapput.
Immikkoortoq 117 Ilaasortaanermut akiliutit	KNAPK-mut ilaasortaanermut akiliutit nalunaarutigineqassapput.
Akileraarutit A-t unerartitat:	
Immikkoortoq 130 Akileraarutit A-t unerartitat	Akileraarutit A-t unerartitat nalunaarutigineqassapput. Feeriaqarnersiutinit akileraarutit A-t unerartitat ilanngunneqarnissaat eqqaamaneqassapput .

Immikkoortoq 131	Nunani allani soraernerussutisiassatigut aaqqissuussinermut akiliutinit akileraarutit A-t unerartitat nalunaarutigineqassapput.
Immikkoortoq 131a	Nunani allani soraernerussutisiassatigut aaqqissuussinermut akiliutinut tapiis-sutinit akileraarutit A-t unerartitat nalunaarutigineqassapput.
Aningaasarsiat B-t:	
Immikkoortoq 140 Ilinniagaqarnersiu- tit	Ilinniagaqarnersiutit, taakkununnga tapit assigisaallu ilanngunnagit, nalunaarutigineqassapput.
Immikkoortoq 141 Paaqqinninersiu- tit	Paaqqinninersiutit akileraarutit A-nik unerartitsivigineqartussaanngitsut tas-suuna nalunaarutigineqassapput.
Immikkoortoq 142 Akilersuutisiat	Akilersuutisiat nalunaarutigineqassapput.
Immikkoortoq 143 Nutserisutut akis- sarsiat il.il.	Translatørinut, oqalutsinut, nutserisunut assigisaannullu akissarsiat akileraarutit A-nut unerartitsivigineqartussaanngitsut uani nalunaarutigineqassapput, takuuq nalunaarummi qulaani taaneqartumi § 6.
Immikkoortoq 144 Akeqanngitsumik telefoneqartitaaneq	<p>Akeqanngitsumik telefoneqartitaanerup nalinga kr.-inngorlugu nalunaarutigineqassaaq, sulisitsisup il.il. telefonimut akiliutissaq ukioq tamaat akilersimapagu, taamaanngippat naammaattusakkamik naliliisoqassaaq, annerpaamilli sulisitsisup akilersimasaattut annertutigisut.</p> <p>Sulisorisap angerlarsimaffiani telefonip atugassarititaasup saniatigut telefonik arlalinnik, assersuutigalugu telefonimik angallattakkamik, atugassaqartataasimappat annertunerusumik akileraarusersuisoqassanngilaq.</p> <p>Sulisorisap telefonimut akiligassat ilai akilertarpagit, assersuutigalugu sulisisumut qaammammut akiliuteqartarluni, taava nammineq akiliutigisimasai nalimit akileraarusersorneqartussamit ilanngaatigineqassapput.</p> <p>Sulisorisaq nammineq telefoneqarnera apeqqutaatinnagu akileraarusersuiffingeqassaaq, kisiannili telefonimut akiliutissat sulisitsisumit akilerneqarsimauunit sulisorisap nammineq telefonerisaminut akiliutigisaattut annertutigisut ilanngaatigineqarsinnaapput. Taamatut nalimik appartitsineq sulisorisap nammineerluni nalunaarsuiffimmini allassavaa.</p> <p>Sulisorisaq telefoneqarnermut sulisitsisuminit tapiiffigineqarpat, tapiissutisia-rineqartunit akileraarutit A-nut unerartitsisoqassaaq. Aningaasarsiat akileraaruteqaataasussat naatsorsorneqarnerini sulisorisaq taamaalilluni telefonimut aningaasartuutit inuussutissarsiornermut atorneqarsimasut uppernarsaaser-neqarsimasut ilanngaatigisinnaavai.</p> <p>Sulisorisaq Kalaallit Nunaanni suliamut atasumik inigisani telefonit pillugit kaajallaasitaq 14. juni 1972-imeersoq naapertorlugu taamaallaat telephoneqarnermut kiisalu oqaluussinernut akiliutinut tapiiffigineqartaruni, tapiissuti-</p>

	siat taakku akileraaruserneqassangillat. Tapiissutisiat kaajallaasitami nalinit amerlaneruppata amerlanerussutaasut akileraaruteqaataasussaapput, taa-maalillunilu amerlanerussutaasunit akileraarutit A-nut unerartitsisoqassalluni.
Immikkoortoq 144a	<p>Akeqanngitsumik internettersinnaatitaanerup nalinga kr.-inngorlugu nalunaarutigineqassaaq.</p> <p>Akeqanngitsumik internettersinnaatitaanerup nalinga akileraaruteqaataasussa, tassaavoq sulisup ukiumut internettimut attaviit kabelillit kabeleqanngitsullu aqqutigalugit internettimik atuinermut sulisitsisup aningaasartuutivii. Matumani taamaallaat internettimut attaveqarnerit sulisitsisup internettimut attaviisa avataaniittut pineqarput. Tassaasinnaapput attaviit bredbåndit, ADSL-it assigisaallu. Tassa imaappoq sulisitsisup suliffiup nalinginna-sup nalaani internettimut attaveqaateqarnera atorlugu internetterneq ilaa-tinneqanngilaq.</p> <p>Mobiltelefoninut nalinginnaasumik atuisuuffiusinnaasut atorlugit internetterneq ilaatinneqanngilaq, tassa mobiltelefoni telefonitut nalinginnartut isigineqassammat.</p> <p>Ukiumut tamarmiusumut internettimut aningaasartuutit sulisitsisumit akileneqartut, sulisup namminerisamik internettimut attaveqarnereminut atuinermillu akiliutaanit appartinneqarsinnaanngillat.</p> <p>Suliamut atatillugu kiisalu namminerisamik internetternissamut atuisuuffinik arlaannik atuinermut atatillugu innersuutigineqassaaq Akileraartarnermut Aqutsisoqarfimmit Nalunaarut nr. 93, 12. oktober 2015-imeersoq – www.aka.gl -imi takuneqarsinnaavoq.</p>
Immikkoortoq 145 Akeqanngitsumik biileqartitaaneq	<p>Akeqanngitsumik biileqartitaanermi ullut qassiuneri kiisalu nalinga allanne-qassapput.</p> <p>Innersuussineq: Akeqanngitsumik biileqartitaanerup akileraarutitigut suliari-neqartarneranut tunngatillugu Akileraartarnermut Aqutsisoqarfip kaajallaasitaa nr. 1, 17. september 2012-imeersoq.</p>
Immikkoortoq 146 Akeqanngitsumik nerisaqartitaaneq	<p>Akeqanngitsumik nerisaqartitaanermi ullut qassiuneri kiisalu nalinga allanne-qassapput.</p> <p>(Avataasiornermi nerisaqartitaaneq uani ilanngunneqassangilaq, kisiannili “paasissutissat allat”-ni (immikkoortoq 190-imi) nalunaarutigineqassallutik.</p>
Immikkoortoq 147 Akeqanngitsumik ineqartitaaneq	Akeqanngitsumik ineqartitaanermi ullut qassiuneri kiisalu nalinga allanne-qassapput.
Immikkoortoq 148 Akeqanngitsumik	Akeqanngitsumik tamakkiisumik ilaannakortumilluunniit ineqartitaanerup/utaqqiisaasumik inissiani/utaqqiisaasumik inigisassaaq sioqqullugu inissiani

najugaqartitaa-neq, utaqqiisaasumik ineqartitaa-neq il.il.	<p>ineqartitaanerup nalinga kr.-inngorlugu allanneqassaaq.</p> <p>Akeqanngitsumik ineqartitaanerup (utaqqiisaasumik inigisat ilanngullugit) nalingata naatsorsuusiorneqarnera, regnarki – www.aka.gl-imi immersuiffissat ataani aaneqarsinnaavoq.</p> <p>Inissiami ilaqtarinngisanik allanik aamma inisimasoqartillugu akeqanngitsumik ineqartitaanermut maleruagassat atuuttinnejassapput, taamaasillunilu akeqanngitsumik ineqartitaanermi ullut qassiuneri kiisalu nalinga immikkoortoq 147-imi (akeqanngitsumik ineqartitaaneq) allanneqassallutik.</p>
Immikkoortoq 149 Akeqanngitsumik najugaqartitaaneq	<p>Sulisorisaq (bestyrerit aammalut hoteldirektørut il.il.) akeqanngitsumik najugaqartitaasimappat, uani najugaqartitaanerup nalinga allanneqassaaq. Iliaqtaasut najugaqatigisimasaanut paasissutissat “Paasissutissat allat”-ni (immikkoortoq 190-imi) nalunaarutigineqassapput. Meeqqat ukiup aningaasarsiorfiup aallartinnerani 12-inik ukioqalersimanngitsut naliusup affaanut naatsorsuunnejassapput.</p>
Immikkoortoq 150 Akiliunneqarluni angalanerit	<p>Sulisorisap ukiup ingerlanerani akiliunneqarluni feeriarluni angalaneri <u>tamarmik</u> kiisalu taakkua nalingisa katinneri uani nalunaarutigineqassapput. Sulisorisap ilaqtai aamma akiliunneqarlutik feeriarluni angalaqataasimappata, tamanne allaffissami “Paasissutissat Allat” (immikkoortoq 190-imi) nalunaarutigineqassaaq.</p> <p><u>Erseqqissarnejassaaq</u> akiliunneqarluni feeriarluni angalanerit tamarmik nalunaarutigineqassammata. Ataasiartumik akiliunneqarluni feeriarluni angalanek aamma isertitanut paasissutissami nalunaarutigineqassaaq. Aningaasarrianik akileraaruteqaataasussanik naatsorsuinermi akiliunneqarluni feeriarluni angalanerup nalinga akileraaruserneqartussaanngitsoq naliliiffigineqarumaarpoq.</p>
Immikkoortoq 151 Akeqanngitsumik angallateqartitaaneq	<p>Sulisorisaq akeqanngitsumik angallateqartitaasimappat tamassumap nalinga nalunaarutigineqassaaq kisitsillu allanneqartoq “paasissutissaq allat” (immikkoortoq 190-imi) nassuiarnejassalluni.</p> <p>Angallatip pissarsiarinerani nalinga kiisalu ukiup ingerlanerani ingerlatsinermut aningaasartuutaasimasut, sillimmasiinermut akiliutit il.il. ilanngullugit nalunaarutigineqassapput.</p>
Immikkoortoq 152 Angallammik, qimussimik allatigul-lu attartornermi akiliutit	<p>Angallammik, qimussimik allatigulluunniit attartornermi akiliutit nalunaarutigineqassapput, takuuk nalunaarummi qulaani taaneqartumi § 5.</p>
Immikkoortoq 153 Kalaalimineerniar-fimmi tunisanit	<p>Kalaalimineerniarfimmi tunisanit isertiat tamakkiisut nalunaarutigineqassapput, taakkunanngalu akileraarutit akilersinneqartut akileraarutit A-t uneraritanut nalunaaruteqarfissami allanneqassallutik.</p>

isertitat	
Immikkoortoq 154 Pisortat tunitsivigineqarneranni isertitat	Pisortat tunitsivigineqarneranni isertitat nalunaarutigineqassapput, takuuk nalunaarummi qulaani taaneqartumi § 5.
Immikkoortoq 155 Allatigut aningaa-sarsiat B-t	<p>Allatigut aningaa-sarsiat B-t akileraaruteqaataasussat suuneri kiisalu aningaa-sartai nalunaarutigineqassapput.</p> <p>MALUGIUK: Aningaa-sarsiat B-t assigiinngitsut ataasiinnaanatik amerlaneruppata ataatsimoorlugit nalunaarsorneqassanngimmata. Taamaattumik immikkut nalunaarsorneqassapput.</p> <p>Immersortagaq naapertorlugu nalunaarsorneqassappata Aningaa-sarsiat B siulleq Immikkoortoq 155-mut suunera aningaa-sartaalu nalunaarsorlugit. Aningaa-sarsiat B-t sinneri Immikkoortoq 190-mut nalunaarsorneqassapput suuneri aningaa-sartaalu immikkut nalunaarsorlugit.</p> <p>Qarasaasiaq aqqutigalugu nalunaarsuineremi Aningaa-sarsiat B-t immikkut A11-qassapput suuneri aningaa-sartaalu Immikkoortoq 155-mut nalunaarsorlugit. Tamanna isumaqarpoq inuup normua ataaseq marlunnik imaluunnit amerlanerusunik Aningaa-sarsiaq B-nik isertitaqarsimappat, Aningaa-sarsiat B-t amerlassusaanik immikkut A-11-qassammat.</p>
Paasissutissat allat:	
Immikkoortoq 170 Soraernerussutisi-assatigut aaqqis-suussinernut akilersuutit	<p>Sulisorianut ataasiakkaanut tunngasut soraernerussutisiatigut inuunermullu sillimmasiissutitigut aaqqissuussinernut kiisalu soraernerussutisiaqalernissaq siunertaralugu naafferartumik akilersuilluni sillimmasiutitut akiliutit, aningaa-sarsianit akileraarutit pillugit Inatsisartut inatsisaanni nr. 12, 2. november 2006-imeersumi §§-ini 39-mi aamma 40-mi pineqartunik sulisitsisup akilertagai nalunaarutigineqassapput. Tamanna atuuppoq sulisitsisup sulorisallu akornanni sillimmasiinermut akiliutissanik avitseqatigiinnissaminnik isumaqtigiissuteqarsimagaluarpataluunniit.</p> <p>§§-ini 39-mi aamma 40-mi pineqartut tassaapput soraernerussutisiaqalernissaq siunertaralugu aaqqissuussinernut akilersuutit aningaa-sarsianik akileraaruteqaataasussaanngitsunik naatsorsuineremi ilanngunneqartussaanngitsut. Tassa imaappoq akiliutissat, sulorisap aningaa-sarsiassaanit akileraarutit naatsorsorneqalertinnagit ilanngaatigineqareertussat.</p>
Immikkoortoq 190 Paasissutissat allat	<p>Paasissutissat allat: Assersuutigalugu ilaquqtat najugaqatit aqqi, takuuk immikkoortoq 149 (akeqanngitsumik najugaqartitaaneq) aamma immikkoortoq 150 (akiliunneqarluni angalanerit), akeqanngitsumik angallateqartitaanermi kisitsit allanneqartoq nassuiarneqarnera, takuuk immikkoortoq 151.</p> <p>Avataasierluni nerisaqarneremi: Ullut qassiuneri kiisalu akiliutigineqarsimasut katillugit annertussusaat allanneqassapput.</p>

--	--